

۵ محرم ۱۳۳۰

﴿ صالٰی ﴾

۱۳ كانون اول ۱۳۲۷

نومرو ۸ — ۶

6-8

صوفیہ سبھ

نسخہ سی ۱۰ پارہ در

حجرت

عرفای امتک مقالات متصوفانہ لرینہ جریدہ
صوفیہ نک صحیفہ لری آچیقدر .

آبونہ سی بر سنہ لک اعتباریلہ ممالک عثمانیہ ایچون
۱۰ و ممالک اجنبیہ ایچون ۱۵ غروشدر .

اعلانات و سائرہ ایچون مدیر مسئلہ مراجعت
ایدملیدر .

محل اداره باب عالی جوارنده ابوالسعود جاده سندہ
نجم استقبال مطبعہ سی

شیمدیلاک اون بش کونده بر نشر اولنور تصوفدن باحث دینی ترک جریدہ اسلامیہ سیدر .

قیلیدی استیلا بتون دنیایی فیض اقدسک
عرض شکران ایلزیمی عالم عرفان سکا
قلب پاک تاپنا ککدر تجلیگاه حق
باشقه برهان ایستمز حجت یتقرآن سکا
جان چیقار چیقماز ینه دلدن و دادک بر زمان
ایتدی هر ذرهم خلوص قلب ایلله ایمان سکا
وصفی

فرقه ناجیه و فرق ضاله

- ۷ -

قوم معتزله یکریمی فرقه به انقسام ایتش ایدی.
بونلردن دردنجیسی حائطیه نامیله اشتهار ایتشدیرکه
محمد بن حائطک اصحابیدر . بوکروه دخی کتب
فلاسفه و حکمای مطالعه ایدوب نظامک مذهب
باطلی اوزرینه اوج بدعت زیاده ایشلردر .
بدعت اولی الهک ایکی اولمنسه بونلردن برینک
قدیم اولمی حسینیه جناب عزت اوله جفته
دیگرینک حادث اولمی مناسبتیله بونکده حضرت
مسیح بولندیغه ذاهب اولشلردر . بدعت ثانیه :
جناب واجب الوجود مخلوقات و موجوداتی خلق
بیوروب انلرده معرفت سبحانیه سنی ایجاد ایلدی
وانلری نعمه مظهر و شکر نعمته مکلف و اوامر
الهییه امتثال ایدنلری دار نعیمده ثابت قلدی .
معصیتی آز و طاعاتی چوق اولان کسه نک
صورتی احسن اولدیغه و معصیتی چوق طاعاتی
آز اولان کیمسه نکده صورتی اقبیح اوله جفته
ذاهب اولدیلر .

بدعت ثالثه : رؤیت حقه و وارد اولان
خبر عقل اولک رؤیتی اوزرینه محمولدر . بوده
مبدعاتک اولیدر . شول عقل فعالدرکه بدایت
موجوداتدر . صور ذاتدن افاضه اولنور
و حضرت رسول الهک (اول ماخلق الله العقل)
قول شریفنده واقع اولان عقلدن مراد بو اولوب
قیامت کونی کورین اودر و واهب العقلک
کورونمهی ایسه محالدر اشبو فرقه حائطیه نک
مشرککننده اتفاق علما واردر .

مناجات

ای جامع اوصاف کلمات اولان الله !
موجود ، احد ، واجب بالذات اولان الله !

تقدیس ایلله توحید ایدرم ذات عظیمک
ای واهب الطاف و عنایات اولان الله !
صنع و حکم و قدرتک اشیاده عیاندر
ای فاعل انواع شئونات اولان الله !
ای اول وای آخر و هم ظاهر و باطن !
ای عالم اسرار خفیات اولان الله !
چوقدر کنهم عفوکه محتاجم الهی !
غفران ایلله ستار خطیئات اولان الله !
صفوت قولکه قیل کرم و لطفکی ارزان
بخشنده احسان و عنایات اولان الله !

رضا صفوت

خبر آناسی

طربزونده خبر آناسی نامیله برغزته نشرینه
ابتدار اولمشدر رفیقمرکز دوام انتشارینی تمی
ایلرز .

صوفیلرده کائن

نمونه عرفان مکتبی

﴿ ابتدائی و رشدی ، ذکور و اناث ﴾

مربی ، صنایع و موزیقه شعبهلر حای

عرفان عثمانیک بر نمونه بهتری اولوق مقصد
خیر مرصیده تشکیل و پروگراملری اساس
مصول الاندراس دینی و ملیزمه توفیقاً ترتیب
ایلله امر تدریساتی اک کزیده و وطنپرور ارباب
عرفانه تودیع اولنسان مکتبمیزک خلوص نیت و
سعی و غیرتمز ثمره سی اولهرق بمحمد تعالی ،
ارائه ایلیمکده اولدینی اثار تکمل علناً اجرا
ایتمکده اولدیعمز امتحان عمومیلرله و زردمزده
محفوظ بولنان تقدیر نامیلرله مثبت و مبرهندر .

اولادلرینک دین و دولته خادم ، و کندیلرینه
خیر الحلف اولهرق پرورش یاب اولملرینی ارزو
ایدن اولیای اطفالک مجرب اولان « نمونه عرفانه »
مزی ترجیح بیوره جقزلنده شهرمز یوقدر .

مقصد معارفه و بو صورتله آتی وطنه
ناچیزانه خدمت اولدیغندن اجرت تدریسیه مزی
غایت اهون اولهرق اولیای اطفالک سعه حالنه
کوره تقدیر ایدیوروز . فقرای اطفال مع الافتخار
مجاناً قبول و هرکون طلبه قید اولنور . فضله
ایضاحات طلبنده بولنان ذوات صوفیلرده بوستانه
ناظر مکتبمزه مراجعت بیوره ییلورلر .

غزته مرکز صائیش محملری

ادرنده کتانبجی حسن عادل ، قرق کلیساده
ایساق مترانی ، سلانیکده صراف عبدالباقی ،
اسکجهده سرویل اشرف ، مناسترده توتونجی
و کتانبجی اسماعیل حق ، یانیهده قاریس چارشو
سنده حافظ احمد نیازی ، کوپرلیده کتانبجی
حافظ محمد ، اسکوبده کتانبجی ایرانی محمد حسن
برادرلر ، پرزینده ریختیم بوینده قرائتخانهجی
ارسلان چاوشده ، قلمه سلطانیده کتانبجی اوخانس
مسروبیان ، بروسهده کتانبجی علی حیدر ،
طربزونده تفیض کتبخانه سنده ، آفیون قره
حصارنده کتانبجی نهاد ، عشاقده حلواجی زادهلر
قرائتخانه سنده ، تکفور طاغنده غزتهجی و توتو
نجی ارمناق ، آنقرده کتانبجی و غزتهجی صراف
ادوار بدوشیان ، اطنهده عثمانلی کتبخانه سی
صاحبی انطوان نورس ، ردوسده اسکله باشنده
عارف حکمت افندی قرائتخانه سنده ، قونیهده
کتانبجی طوروس طوروسیان ، قسطنطنیه
دلایلر چارشوسنده شمس کتبخانه سنده ، اطنهده
کتبخانه عرفانده ، بلغارستانده شمنیده ، وارندهده
سلسله تردهده ، جسر مصطفی پاشاده ، قوالهده ،
مغنیساده ، یکی پلاردهده ، اسکیشهرده ، بیروتده ،
بغدادده ، ازمیدده ، ازمیرده ، اسکندریهده ،
ودها بر چوق محملرده توتونجی و کتانبجی دکانلرنده
صائیلور .

باب علی جاده سنده کتانبجی یورکی ، سرکه جیده
توتونجی ایرانی علی افندی نک دکانده . ایاصوفیهده ملت
باغچه سی قارشوسنده کی توتونجییده ، یازیدهده
تراموای مقراصنده کتانبجی و غزتهجی دکانده
طوپخانهده قلنج علی پاشا جامع شریفی صره
سنده کی توتونجی دکانده ، فندقلیده حمام
اتصالنده کی توتونجییده ، قیسا طاشنده قناعت
کتبخانه سنده ، بشکطاشده تراموای مقراصنده
کوشه باشنده صراف و توتونجی دکانده ،
اسکدار ، قاضی کوی ، قاسم پاشا ، ایوب ، مقری
کوی جهننده کی واستانبول کوپری باشنده کی
بالجمله موزعلرده بولنور .

صاحب امتیاز
مدیر مسئول
حسن کاظم

نجم استقبال مطبعه سی